



11630 18

Broj: 06-11-1329/22-4 Lot 4-1
Ilidža, 01.06.2022.godine

Na osnovu člana 69. stav (2) tačka c) Zakona o javnim nabavkama Bosne i Hercegovine («Službeni glasnik BiH» broj 39/14), donosi se

**ODLUKA
O PONIŠTENJU POSTUPKA JAVNE NABAVKE BROJ 33/22**

PONIŠTAVA Odluka broj 06-11-1329/22-4 Lot 4 od 05.04.2022.godine o izboru ponuđača za **JN 33/22 Usluge nadzora nad realizacijom projekata (izvođenjem radova)** za potrebe Općine Ilidža, **Lot 4 Usluge stručnog nadzora nad izvođenjem radova iz oblasti saobraćajnih projekata.**

Poništava se postupak javne nabavke **JN 33/22 Lot 4 Usluge stručnog nadzora nad izvođenjem radova iz oblasti saobraćajnih projekata**, iz razloga što nije dostavljen broj ponuda određen u članu 32, stav (4) Zakona o javnim nabavkama.

Obrazloženje

Na osnovu odluke o pokretanju postupka broj 04-11-1329/22-1 i obavještenja o nabavci broj 888-1-2-78-3-42/22, objavljeno dana 08.03.2022.godine, pokrenut je otvoreni postupak nabavke za **JN 33/22 Usluge nadzora nad realizacijom projekata (izvođenjem radova)** za potrebe Općine Ilidža, **Lot 4 Usluge stručnog nadzora nad izvođenjem radova iz oblasti saobraćajnih projekata.** U tenderskoj dokumentaciji je predviđeno da će se za izabranim ponuđačima zaključiti okvirni sporazum iz člana član 32. stav (5) alineja b) Zakona o javnim nabavkama. Ponude su blagovremeno dostavili CONSTRUCT PROJEKT doo, RADIS doo i Institut za građevinarstvo IG doo.

Analizom ponuda Komisija za javne nabvake je utvrdila da ponuda CONSTRUCT PROJEKT doo, Husein Kapetana Gradaševića bb, Zavidovići, se odbacuje jer ponuđač nije dostavio dokaz da u stalnom radnom odnosu ima zaposlenog inženjera saobraćajne struke a što je traženo tačkom 10.4. 1 b) Tenderske dokumentacije. Iz dostavljene dokumentacije za lice koje je ponuđač naveo kao inženjera je utvrđeno da se radi o inženjeru građevinske struke, koji ima položen stručni ispit građevinske struke smjer niskogradnja odsjek niskogradnja i položen stručni ispit građevinske struke smjer niskogradnja odsjek hidrotehnički. Kako ponuđač nije dokazao da u stalnom radnom odnosu ima zaposlenog inženjera saobraćajne struke, njegova ponuda je ocijenjena kao neprihvatljiva. Ostala dva ponuđača su ispunila uslove iz tenderske dokumentacije odnosno dostavili su tražene dokaze. Ugovorno organ je na osnovu navedenog donio Odluku o dodjeli Okvirnog sporazuma ponuđačima koji su ispunili uslove iz Tenderske dokumentacije. U daljem postupku je utvrđeno da je napravljen previd i da nisu ispoštovane odredbe člana 32 stav (4) Zakona o javnim nabavkama koje glase: *Okvirni sporazum zaključuje se sa više ponuđača za isti predmet nabavke, te broj ponuđača s kojima se zaključuje okvirni sporazum ne može biti manji od tri, pod uslovom da postoji dovoljan broj ponuđača.*

Obzirom da su za ovaj lot dostavljene samo dvije prihvatljive ponude neophodno je poništiti predmetni postupak nabavke.



POUKA O PRAVNOM LIJEKU

Protiv ove Odluke ponuđači imaju pravo da izjave žalbu u roku od deset dana od dana prijema odluke. Žalba se ulaže ugovornom organu u pisanoj formi direktno, ili preporučenom poštanskom pošiljkom. Žalba se podnosi u tri primjeraka.



DOSTAVLJENO:

1. CONSTRUCT PROJEKT doo, Husein Kapetana Gradašćevića bb, Zavidovići
2. RADIS doo, Jovana Dučića 16, Istočno Sarajevo
3. Institut za građevinarstvo „IG“ doo, Kralja Petra I Karađorđevića 92-98 Banja Luka
4. Služba za finansije
5. Stručna služba-Kabinet Općinskog načelnika
6. Služba za razvoj, komunalne poslove i puteve
7. Služba za zajedničke poslove (za objavu na WEB)
8. a/a